

Sve dodatne informacije mogu se dobiti na telefon broj: 033/562-143, 033/562-086.

Kontakt osoba je gđa. Jasna Mujagić, dipl. el. ing.

(SI-597/18-G)

UDRUŽENJE "AIS" ASOCIJACIJA IZVOĐAČA

i

SVIRAČA VOGOŠČA I UDRUŽENJE "ADMU" UDRUŽENJE DISTRIBUTERA MEDIJSKIH USLUGA SARAJEVO

Udruženje "AIS" Asocijacija izvođača i svirača (Jošanička bb, 71 320 Vogošća) koje zastupa direktor udruženja Jasmina Misirlić (dalje u tekstu: KOLEKTIVNA ORGANIZACIJA)

i

Udruženje "UDMU" Udruženje distributera medijskih usluga, (Džemala Bijedića broj 216., 71 000 Sarajevo) koji zastupa direktor udruženja Refik Mujezinović (dalje u tekstu: REPREZENTATIVNO UDRUŽENJE), dana 07.05.2018. godine zaključuju

ANEKS I.

KOLEKTIVNOG UGOVORA O KORIŠTENJU IZVOĐAČKIH PRAVA NA MUZIČKIM DJELIMA PUTEM REEMITOVANJA I ČINJENJA DOSTUPNIM JAVNOSTI IZVOĐENJA SA SNIMKA NA NOSAČU ZVUKA

Član 1.

U Kolektivnom ugovoru u vezi korištenja izvođačkih prava na muzičkim djelima putem reemitovanja i činjenja dostupnim javnosti izvođenja sa snimka na nosaču zvuka objavljenom u "Službenom glasniku BiH" broj 51/16 od dana 15.07.2016. godine, mijenja se član 9., te isti sada glasi:

"(1) KORISNIK će KOLEKTIVNOJ ORGANIZACIJI plaćati naknadu za kablovsko reemitiranje i činjenje dostupnim javnosti izvedbi sa snimka u iznosu od 0,675% od osnovice za obračun mjesečno, bez obzira na broj televizijskih i radijskih programa koji se reemitiraju i koje KORISNIK ima u svojoj ponudi.

(2) Osnovicu za obračun iz prethodnog stava predstavlja ukupan bruto prihod KORISNIKA ostvarenog od djelatnosti kablovskog reemitiranja i putem činjenja dostupnim javnosti izvedbi muzičkih djela sadržanih u televizijskim i radijskim programima sa snimka, koji se dobije kako slijedi:

$$BP = MBP \times COP \times 60\%$$

pri čemu je

BP: bruto prihod KORISNIKA ostvarenog od djelatnosti kablovskog reemitiranja i putem činjenja dostupnim javnosti izvedbi muzičkih djela sadržanih u televizijskim i radijskim programima sa snimka;

MBP: mjesečni broj pretplatnika osnovnog paketa KORISNIKA;

COP: cijena za osnovni paket usluge reemitovanja i činjenja dostupnim javnosti radio i TV sadržaja zajedno sa drugim uslugama iz službenog i u trenutku dospjeća aktualnog cjenovnika KORISNIKA (bez PDV-a);

60%: umanjenje od 40% na ime troškova kablovskog operatera za održavanje komunikacijskog sistema;

Ukoliko cijena osnovnog paketa KORISNIKA iznosi ispod 14,00 KM (bez PDV-a), a korisnik u svojoj ponudi istovremeno nudi više različitih cijena osnovnog paketa usluga prilikom

obračuna naknade za pakete ispod 14,00 KM (bez PDV-a) koristit će se cijena osnovnog paketa od 14,00 KM (bez PDV-a), s tim da ukupna naknada koju će KORISNIK plaćati KOLEKTIVNOJ ORGANIZACIJI ni u kojem slučaju temeljem obračuna prihoda ne može biti manja od 0,75 KM bez PDV-a po PRETPLATNIKU godišnje, bez obzira na sva dalje navedena umanjenja.

(3) KOLEKTIVNA ORGANIZACIJA i KORISNIK saglasno određuju da se za prve 3 (tri) godine trajanja ovog KOLEKTIVNOG UGOVORA prihodi KORISNIKA od dodatnih paketa usluge reemitovanja i činjenja dostupnim javnosti radio i TV sadržaja zajedno sa drugim uslugama neće uzimati u obzir kod određivanja osnovice za obračun iz razloga podrške razvoju PAY TV industrije u BiH u skladu sa europskim trendovima. Dodatni paket usluge reemitovanja i činjenja dostupnim javnosti radio i TV sadržaja zajedno sa drugim uslugama predstavlja paket sastavljen od digitalnih TV programa koji PRETPLATNIK može izabrati dodatno po slobodnom izboru kada zaključuje ugovor sa KORISNIKOM za uslugu reemitovanja i činjenja dostupnim javnosti radio i TV sadržaja zajedno sa drugim uslugama, a za koji je cijena odvojeno izražena u ponudi KORISNIKA i koji se može uzeti samo ako je prethodno odabran osnovni paket.

(4) KOLEKTIVNA ORGANIZACIJA i KORISNIK će najkasnije u roku od 60 (šezdeset) dana prije isteka prve 3 (tri) godine trajanja ovog KOLEKTIVNOG UGOVORA stupiti u pregovore o reviziji odredbi člana 9. ovog KOLEKTIVNOG UGOVORA i to na način da će zajednički analizirati stanje PAY TV industrije u BiH, te aneksom ovog KOLEKTIVNOG UGOVORA zajednički urediti pitanja u vezi dodatnih paketa usluge reemitovanja i činjenja dostupnim javnosti radio i TV sadržaja i posebne naknade za pravo činjenja dostupnim javnosti za daljnji period trajanja ovog KOLEKTIVNOG UGOVORA.

(5) S obzirom da KORISNIK svojim PRETPLATNICIMA pruža uslugu reemitovanja i činjenja dostupnim javnosti radio i TV sadržaja zajedno sa drugim uslugama (tzv. Duo, Trio, Quadro paketi; u daljnjem tekstu: paket usluga), ukupan prihod od tih PRETPLATNIKA koji predstavlja osnovicu za obračun naknade za kablovsko reemitiranje i pravo činjenja dostupnim javnosti izvedbi muzičkih djela sa snimka, umanjuje se za 10%, iz razloga što KORISNIK redovno odobrava PRETPLATNICIMA popust na navedene pakete usluga."

Član 2.

Aneks Ugovora je zaključen u četiri istovjetna primjerka od kojih po jedan zadržava svaka ugovorna strana.

Član 3.

Aneks ugovora se smatra zaključenim danom potpisivanja od strane ugovornih strana i obvezujućim nakon objavljivanja u "Službenom glasniku BiH".

Član 4.

Ovaj Aneks je sastavni dio Kolektivnog ugovora, te se sve odredbe tog Ugovora primjenjuju i na ovaj Aneks.

Reprezentativno udruženje "UDMU" Udruženje distributera medijskih usluga	Kolektivna organizacija "AIS" Asocijacija izvođača i svirača
--	--

Direktor
Refik Mujezinović, s. r.

Direktor
Jasmina Misirlić, s. r.

(SI-598/18-G)